


續高僧傳

卷廿五

四百七十一  
承二

51325



元祿九年丙子二月日重修

皇圖環固 帝階綴昌

佛日增輝 懋輪崇轉

山城州天安寺法金剛院置

續高僧傳卷第二十五

唐釋

道宣

撰

護法下

正傳十

附見五

唐并州大興國寺釋曇選傳一

唐隰州沙門釋法通傳二

唐終南山智炬寺釋明瞻傳三

唐京師勝光寺釋慧乘傳四道璋

唐京師大揔持寺釋智實傳五

唐終南山至相寺釋弘智傳六

唐終南山龍田寺釋法琳傳七惠序

唐眉州聖種寺釋道會傳八

唐鄧州興國寺釋智勤傳九



承

唐新羅國大僧統釋慈藏傳十圓勝

釋曇選姓崔高陽人神慧譎詭不偶時俗雖博通經術而以涅槃著名不存文句護法爲慮本晚任并部興國寺川邑奉之以爲師傳每有衆集居于座元酬問往還以擊節爲要吐言開令宏放終古僧侶乃多莫敢摧挫時人目爲豹選者也及揚諒逆節中外相叛招募軍兵繕造牟甲以興國寺爲甲坊以武德寺爲食坊後於武南置陣揚素敗之官軍入郭搜求逆黨揔集諸僧責供反者僧等辭曰王力嚴切不敢遮約素曰有幾僧諫王被殺而云王力嚴切此並同反不勞分踈可依軍

法選時在衆不忍斯禍乃出對曰此佛法陵  
遲特由僧無有德可以動俗致有亂階結聚  
不能誨以忠信此誠如公所教今被理責陷  
身無地素乃舒顏曰僧等且還留向對僧擬  
論機務自介晝叅軍將開散僧誅晚還寺宿  
不久煬帝下勅通被放免故合衆獲安誠其  
功也及大業末歲兵飢交接四方僧遊寄食  
無地興國雖富儉嗇者多每食時禁門自守  
客僧擁結終不之前選不勝滅法憤激身心  
每日拄杖在門驅趨防者攜引羈僧供給鉢  
器送至食堂衆多是其子弟不敢違逆由是  
衆開僧制許選停客自餘不得然其慈濟之

深感激府俞房內廓然財什不積唯置大鎗  
一口每日引諸乞兒所得食調搥鎗中選請  
食分亦和其內雜爲餽粥便行坐乞人手自  
斟酌見其縑縷皺錯形容癯瘦流淚盈臉不  
能自勝選亦依行受粥而食日別如此遂及  
有年皇運伊始人情安泰義興新寺法網大  
張沙門智滿當塗衆主一川鄉望王臣傾重  
創開諸宇嚴位道場三百餘僧受其制約夏  
中方等清衆肅然風聲洋溢流潤遐迩選聞  
之乃詣其寺庭滿徒聞來崩騰下赴告曰卿  
等結聚作何物在依何經誥不有冒罔後生  
乎滿曰依方等經行方等懺選曰經在何處

將來對讀遂將一卷來選曰經有四卷何不  
一時讀之沙門道綽曰經文次第識不俱聞  
選曰吾識可共尔識同耶但四卷齊讀文言  
未了便曰依呪滅罪耳可罷之又曰自佛法  
東流矯詐非少前代大乘之賊近時彌勒之  
妖詿誤無識其徒不一聞尔結衆恐壞吾法  
故力疾來問雖尔手把瓶子倚傍猶可遂杖  
桀而返武德八年遘疾淹積問疾者充仞房  
宇乃尸卧引衣申脚曰吾命將盡何處生乎  
名行僧道綽曰阿闍梨西方樂土名爲安養  
可願生彼選曰咄爲身求樂吾非尔儔綽曰  
若尔可無生耶荅曰須見我者而爲生乎乃

潛息久之不覺已逝時年九十有五道俗哀  
慘送于西山之陰傳者親往其寺不及其人  
觀其行事遺績庶可澡雪形心頓祛鄙恡叔  
緒護法開士抑斯人乎

釋法通龍泉石樓人初在隰鄉未染正法衆  
僧行往不達村閭如有造者以灰洒面通雖  
處俗情厭恒俗以開皇末年獨懷異槩超山  
意表剃二男二女并妻之髮被以法衣陟道  
詣州委僧尼寺時有門者通便荅曰我捨枷  
鎖志欲通法旣達州寺如前付囑便求通化  
寺明法師度出家於即遊化稽湖南自龍門  
北至勝部嵐石汾隰無不從化多置邑義月

別建齋但有沙門皆延村邑或有住宿明旦  
解齋家別一槃以爲通供此儀不絕至今流  
行河右諸州聞風服義有僧投造直詣堂中  
承接顏色譬若親識故通之率導其德難倫  
曾行本邑縣令逢之問是何僧荅云山客令  
乃禁守不許遊從通即絕粒竭誠遶獄行道  
其夜聽事野狐鳴叫怪相旣集通夕不安及  
明放遣通曰我遶獄行道正得道理如何見  
放經日不食夜又狐鳴官庶以下莫不震懼  
苦勸引挽方從其請尔後巡行無時寧舍曾  
投人宿犬咋其脛尋被霹死風聲逾顯後卒  
於龍泉余以貞觀初年承其素迹遂往尋之

息名僧綱任隰州寺親說往行高聞可觀  
其餘論試後披叙夫以高世之量隨務不倫  
統其大歸莫非通道所以九十六部兼邪正  
之津途一十七羣現機緣之化迹故能光開  
佛日弘導塵蒙攝迷沒之鄙夫接戒濁之澆  
首並得開智清悟通聖革凡弘道利生於是  
乎在今有不達之者同世相輕覩其家業叢  
雜閱其形骸塵弊遂則雷同輕毀曾不大觀  
由之自陷備于成教故文云不觀法師種姓  
形有但受其法開我精靈斯言可歸通有之矣  
釋明瞻姓杜氏恒州石邑人也少有異操所  
住龍貴村二千餘家同共高之傳于口實

四通經十七明史州縣乃舉為俊士性慕超  
方不從辟命投飛龍山應覺寺而出家焉師  
密異其度乃致書與鄴下大集寺道場法師  
令其依攝專學大論尋值法滅葺形東郡隋  
初出法追任相州法藏寺而立志貞明不干  
非類正業之暇了無他涉內通大小外綜丘  
墳子史書素情所欣狎將事觀國移步上京  
開皇三年勅召翻譯任大興善眾覩德望可  
宗舉知寺任辭而不免便綱管之大業二年  
帝還京室在於南郊盛陳軍旅時有濫僧染  
朝憲者事以聞上帝大怒召諸僧徒並列御  
前峙然抗禮下勅責曰條制久頒義須致讓

于時黃老士女初聞即拜唯釋一門儼然莫  
屈時以瞻爲道望衆所推宗乃荅曰陛下必  
欲遵崇佛教僧等義無設教若准制返道則  
法服不合敬俗勅云若以法服不合宋武爲  
何致拜瞻曰宋氏無道之君不拜交招顯戮  
陛下有治存正不陷無罪故不敢拜帝不屈  
其言直遣舍人語僧何爲不拜如此者五黃  
巾之族連拜不已唯瞻及僧長揖如故兼抗  
聲對叙曾無憚懾帝乃問向荅勅僧是誰錄  
名奏聞便即視擬戮諸僧合衆安然而退明  
旦有司募敢死者至關陳謝瞻又先登雖達  
甲遜之詞帝夷然不述但下勅於兩禪定各設

盡京僧齋再遺束帛特隆常准後迴蹕西郊  
顧京邑語朝宰曰我謂國內無僧今驗一人  
可矣自介頻叅元選僉議斯屬下勅令住禪  
定用崇上德故也衆以瞻正色執斷不避強  
御又舉爲知事上座整理僧務備列當時大  
唐御世爰置僧官銓擬明哲允圻無滯貞觀  
之初以瞻善識治方有聞朝府召入內殿躬  
昇御床食訖對詔廣列自古以來明君民主  
制御之術兼陳釋門大極以慈救爲宗帝大  
悅因即下勅年三月六普斷屠煞行陣之所  
皆置佛寺登即一時七處同建如幽州昭仁  
晉州慈雲呂州普濟汾州弘濟治州昭福鄭

州等慈洛州照覺並官給匠石京送奴隸皆  
因瞻之開發也又私以每年施勅常飯千僧  
大乘經論須者爲寫歲恒不絕爲報母恩及  
暮齒將臨山栖是造遂入太一山智炬寺而  
隱焉京輦歸信遠趣於林問道奉戒又繁常  
昔乃自惟曰攝心歸靜猶自煩乎試縱餘齡  
更還京邑少時遇疾猶堪療治乃曰吾命極  
矣可懸一月枯骸累人乃延諸大德就興善  
寺設齋辟訣房杜僕射舉朝畢集具賣助供  
覲錫山積瞻通大捨懺辟告別即日力杖出  
京返于智炬竭誠勤任想觀西方心道明利  
告侍者曰阿彌陀佛來也須臾又云二大菩

薩亦至吾於觀經成就十二餘者不了既具  
諸善相顏貌怡然奄尔而逝春秋七十即貞  
觀二年十月二十七日也時以預記之驗知  
命存乎初未終前遺令焚身及闍維訖乃見  
骸骨圓全都無縫道當其頂上紫色曄然遂  
瘞于巖下

釋慧乘俗姓劉氏徐州彭城人也其先炎漢  
之緒祖欣梁直前將軍瑯琊太守父雅陳兵  
部郎中叔祖智強少出家陳任廣陵大僧正  
善閑成論及大涅槃乘年十二發心入道仍  
事強為師服膺論席備探精理十六啓強曰  
離家千里猶名在家沙門也請廣遊都鄙添

諸耳目強從之使下楊都聽莊嚴寺智燭法師成實爰始具戒即預陳武帝仁王齋席對御論義詞辯絕倫數千人中獨迴天睠至四月八日陳主於莊嚴寺揔令義集乘當時豎佛果出二諦外義有一法師英俠自居擅名江左舊任開泰後入祇洹乃問曰爲佛果出二諦外爲二諦出佛果外乘質云爲法師出開泰爲開泰出法師彼曰如鴛鴦鳥不任圍廁乘應聲曰釋提桓因不與鬼住彼曰鳩翅羅鳥不栖枯樹乘折云譬如大海不宿死死于時矚公處座嘆曰辯才無礙其鋒難當者也躬於帝前賞天狂納袈裟由是令響通震隣國

斯傳陳桂陽王尚書毛喜僕射江恣等並伸  
久敬咸慕德音屬陳季道離隋風遠扇太尉  
晉王於江都建慧日道場遍詢碩德乘奉旨  
延任仍号家僧後從王入朝頻蒙內見時淨  
影慧遠道聲揚播由來不回因過值講即伸  
言論義高詞麗聲駭德徒遠顧曰何處吳僧  
屑舌陵人復豈愈此王聞之弥敬其詞辯時  
慧日創立搜揚一化並号龍象咸開義門既  
爰初盛集法輪肇駕王乃請乘盡心言論不  
有見尊致結既承資蓄縱辯無前折關陳欵  
皆傾巢穴甚稱王望別賞帛百段暨高祖東  
巡岱宗鑿駕伊洛勅遣江南吳僧與關東大

德昇殿豎義乘應旨首登命章對論巧問勃  
興切並紛集縱橫駱驛罔弗喪律亡圖高祖  
目屬稱揚羣英嘆異開皇十七年於揚州永  
福寺建香臺一所莊飾金玉絕世罕儔及晉  
王即位弥相崇重隨駕行幸無處不經大業  
六年有勅郡別棟三大德入東都於四方館  
仁王行道別勅乘爲大講主三日三夜興諸  
論道皆爲折暢靡不泠然從駕張掖蕃王畢  
至奉勅爲高昌王麴氏講金光明吐言清竒  
聞者嘆咽麴布髮於地屈乘踐焉至八年帝  
在東都於西京奉爲二皇雙建兩塔七層木  
浮圖又勅乘送舍利瘞于塔所時四方道俗

百辟諸侯各出名珍於興善寺北天門道南  
樹列勝場三十餘所高幢華蓋接影浮空寶  
樹香煙望同雲霧迎延靈骨至于禪定僉共  
請乘開仁王經化洽士庶正道自登咸嘉賞  
讚十二年於東都圖寫龜茲國檀像舉高丈  
六即是後秦羅什所負來者屢感禎瑞故用  
傳持今在洛州淨土寺會隋室分崩唐皇御  
曆武德四年掃定東夏有勅爲亂地僧是非  
難識州別一寺留三十僧餘者從俗上以洛  
陽大集名望者多奏請二百許僧任同華寺  
乘等五人勅任京室于時乘從僞鄭謂被牽  
連主上素承風問偏所顧屬特蒙慰撫命任

勝光秦國功德咸歸此寺武德八年歲居協  
洽駕幸國學將行釋奠堂置三座擬叙三宗  
衆復樂推乘爲導首時五都才學三教通人  
星布義筵雲羅綺席天子下詔曰老教孔教  
此土先宗釋教後興宜崇客禮令老先次孔  
未後釋宗當介之時相顧無色乘雖登座情  
慮莫安今上時爲秦王躬臨位席直視乘面  
目未曾迴頻降中使十數教云但述佛宗先  
敷帝德餘一無所慮旣最末陳唱諦徹前通乃  
命宗云上天下地榮貴所資緣業有由必宗  
佛聖今將叙大致理具禮儀並合掌虔跪使  
師資有據聲告纔竟皇儲已下爰逮群僚各

下席胡跪竚聆逸辯乘前宣帝德云陛下巍  
巍堂堂若星中之月云云次述釋宗後以二  
難雙徵兩教玄梯廣布義網高張莫不躡響  
風馳應機雲涌既而天子迴光敬美其道群  
公拜手請從弘業黃巾李仲卿結舌無報博  
士祭酒等束體轅門慧日更明法雲還布當  
又下詔問乘曰道士潘誕奏悉達太子不能  
得佛六年求道方得成佛是則道能生佛佛  
由道成道是佛之父師佛乃道之子弟故佛  
經云求於無上正真之道又云體解大道發  
無上意外國語云阿耨菩提晉音翻之無上  
大道若以此驗道大佛小於事可知乘報略

云震且之與天竺猶環海之比隣列舳舻周  
末始興佛是周初前出計其相去二十許王  
論其所經三百餘載豈有昭王世佛而退求  
敬王時道乎勾虛驗實足可知也仲卿向叙  
道者有太上大道先天地生鬱勃洞虛  
之中煒燁玉清之上是佛之師不言周時  
之老聃也且五帝之前未聞有道三王之季  
始有舳名漢景已來方興道學窮今討古道  
者為誰案七籍九流經國之典宗師周易五  
運相生既闢兩儀陰陽是判故曰一陰一陽  
之謂道陰陽不測謂之神天地於事可明陰  
陽在生有驗此理數然也不云有道先天地

云震且之與天竺猶環海之比隣州舛乃周  
末始興佛是周初前出計其相去二十許王  
論其所經三百餘載豈有昭王世佛而退求  
敬王時道乎勾虛驗實足可知也仲卿向叙  
道者有太上大道先天地生鬱勃洞虛  
之中煒燁玉清之上是佛之師不言周時  
之老聃也且五帝之前未聞有道三王之季  
始有舛名漢景已來方興道學窮今討古道  
者為誰案七籍九流經國之典宗師周易五  
運相生既闢兩儀陰陽是判故曰一陰一陽  
之謂道陰陽不測謂之神天地於事可明陰  
陽在生有驗此理數然也不云有道先天地

生道既既莫測從何能生佛故陣胤云在已為  
德及物為道殷仲文云德者得也道者由也  
言得孝在心由之而成也論衡云立身之謂  
德成名之謂道道德也者為若此矣卿所言  
道寧異是乎若異斯者不足歸信豈有頭戴  
金冠身被黃褐鬢垂素髮手把玉璋別号天  
尊居大羅之上獨名大道治玉京之中山海  
之所未詳經史之所不載大羅既烏有之說  
玉京本亡是之談言畢下座舉朝屬目此時  
獨據詞宗餘術無為而退一席揚扇萬代舟  
航可尚可師立功立事近假叨幸之力遠庇  
護念之恩也貞觀元年乘以銜荷持命義須

崇善奉為聖上於勝光寺起舍利寶塔像設  
莊嚴備諸神變并建方等道場日夜六時行  
坐三業以貞觀四年十月二十日終于舊房  
春秋七十有六門人道璋先奉遺告於南山  
谷口焚之私斂餘灰還於勝光起塔沙門法  
琳為製碑文見于別集唯乘釋蒙據道護法  
為心撫物卹窮殊留情曲而詞辨每滯文義  
俱揚寫送若流有逾宿誦此之一術歿後絕  
蹤而身歷三朝政移六帝頻昇中殿面對天  
顏神氣蕭散映徹墻仞自見英德莫不推焉  
又卿士王公妃嬪庶族皆稟塗香申明供禮  
所講沮槃般若金鼓維摩地持成實等各數

十徧璋即乘之猶子也少所恭奉立性誠懇  
偏能嘖讚清轉婉約有勢於時每為都講亦  
隸倫則京邑後附多響其塵云

釋智實俗姓邵氏雍州萬年人也童稚兒聚  
譎詭起異預有談論必以佛理為言先十一  
出家住大揔持寺聽叙玄奧登共器之隨以

小緣而能通暢宏遠自涅槃攝論俱舍毗曇  
皆鏡其深義開其關鑰兼以思力堅明才氣  
雄毅武德之歲初平鄭國三大法師惠乘道  
宗辯相等西赴京師主上時為秦王威明寓  
內志奉釋門乃請前三德并京邑能論之士  
二十餘僧在弘義宮通宵法集實年十三最

居下座上命令對論發言清卓驚絕前聞新  
至諸僧無敢繼響上及諸王異聲同嘆曰此  
小師最後烈後必紹隆三寶矣實眉間白毫  
可長數寸光映顏頰沙門吉藏摩其頂持其毫  
曰子有異相當躡跡能仁恨吾老矣不見成  
德武德七年獫狁孔熾屢舉烽燿前屈北地  
官軍相拒有僧法雅夙昔見知武皇通重給  
其妻媵任其恣溢僧衆惘然無敢陳者奏請  
京寺驍悍千僧用充軍伍有勅可之雅即通  
聚簡練別立團隊旣迫王威寂無抗抵實時  
年二十有一深究雅懷恐興異度事或彰陳  
必累大法乃致書於雅曰與子同生像季共

屬陵遲悲六道之紛然愍四生之未悟子每  
遊鳳闕恒遇龍顏理應灑甘露於帝心廕慈  
雲於含識何乃起善星之勃見鼓調達之惡  
心令善響沒於當時醜迹播揚於後代豈不  
以朝含安忍省納蕩蕩恣此愚情述斯頑見  
嗟予可悲實傷其類且自多羅旣斷終不更  
生析石已分義無還合急持衣鉢早出伽藍  
使清濁異流蘭艾殊列則使群目息於譏論梵  
志寂於謗聲定水暄而更通慧燈晦而還照  
此言至矣想見如流雅得書逾怒科督轉切  
備辦軍器剋日將發實騰入其衆大哭述斯  
乖逆壞大法輪即是魔事預是千僧同時號

叫聽者寒心下淚實遂擒撮法雅毆擊數拳  
告云我今降魔使邪正有據雅以事聞帝云  
此道人大鹿付法推劾即被枷禁初無怖色  
將欲加罪僕射蕭瑀等奏稱精進有聞勅乃  
罷令還俗所選千人並停復寺實雖處俗壤  
而兵役得停欣泰其懷曾無憾結貞觀元年  
勅遣治書侍御史杜正倫檢校佛法清肅非  
濫實恐法雅猶乘先計濫及清徒乃致書於  
杜使曰沉俗僧智實白實懷橘之歲涉清信之  
名採李之年深息慈之位雖淺智褊能然敢  
希先達竊見化度寺僧法雅善因曩世受果  
今生如安上之遊秦似遠公之入晉理應守

護鵝之行持結草之心思報皇王之恩奉酬  
覆載之德乃於支提靜院恒為宰殺之坊精  
舍林中鎮作妻孥之室脫千僧之服四海愴  
動地之悲謗七佛之經萬國嗟訐天之怨自  
漢明感夢摩騰入洛已來無所名人頗曾聞  
也皇帝受禪撫育萬方欲使王道惟清法海  
無穢公策名奉節許道亡身除甘蔗之災拔  
空腹之樹使禪林鬱映慧苑扶踈慕實嘉聲  
震于邦國寧可忍斯邪佞仍捧鉢於祇桓棄  
我貞廉絕經行於靈塔龍門深濬奉見無由  
天意高懸流問何日惟公鑒同水鏡智察幽  
微仰願拯驚翼於華箱濟涸鱗於窮轍輕以

忤陳但增悚懼後法雅竟以狂狷被誅倫以  
事聞乃下勅云智實往經論告法雅預知鹿  
勃自還俗已來又不虧戒行宜依舊出家因  
返寺房綜括前業摺討幽致有譽京室十一  
年駕往洛州下詔云老君垂範義在清虛釋  
迦貽則理存因果求其教也汲引之迹殊途

求其宗也弘益之風齊致然大道之行肇於  
邃古源出無名之始事高有形之外邁兩儀  
而運行包萬物而亭育故能經邦致治反樸  
還淳至如佛教之興基於西域逮於後漢方  
被中土神變之理多方報應之緣匪一泊乎  
近世崇信滋深人冀當年之福家懼來生之

禍由是滯俗者聞玄宗而大笑好異者望真  
諦而爭歸始波涌於閭里終風靡於朝廷遂  
使殊俗之典鬱爲衆妙之先諸華之教翻居  
一乘之後流遁忘返于茲累代今鼎祚克昌  
旣憑上德之慶天下大定亦賴無爲之功宜  
有解張闡茲玄化自今已後齋供行立至於  
稱謂道士女道士可在僧尼之前庶敦反本  
之俗暢於九有貽諸万業時京邑僧徒各陳  
極諫語在別紀實惟像運湮沉開明是屬乃  
攜大德法常等十人隨駕至關上表曰法常  
等言法常等年迫桑榆始逢太平之世貌同  
蒲柳方值聖明之君竊聞以有諍子君有諍

臣法常等雖預出家仍在臣子之例有犯無  
隱敢不陳之伏見詔書國家本系出自柱下  
尊祖之風形于前典頒告天下無德而稱今  
道士等處僧之上奉以周旋豈敢拒詔尋老  
君垂範治國治家所佩服章亦無改異不立  
觀宇不領門徒處柱下以全真隱龍德而養  
性智者見之謂之智愚者見之謂其愚非魯  
司寇莫之能識今之道士不遵其法所著衣  
服並是黃巾之餘本非老君之裔行三張之  
穢術棄五千之妙門反同張禹漫行章句從  
漢魏已來常以鬼道化於淳俗妄託老君之  
後實是左道之苗若位在僧尼之上者誠恐真偽

同流有損國化如不陳奏何以表臣子之忠情  
謹錄道經及漢魏諸史佛先道後之事如前  
伏願天慈曲垂聽覽勅遣中書侍郎岑文本  
宣勅語僧等明詔久行不伏者與杖諸大德  
等咸思命難飲氣吞聲實乃勇身先見口云  
不伏此理万刃之下甘心受罪遂杖之放還  
抱思旋京晦迹華邑處于渭陽之三原焉信  
心之侶敬奉如雲情計莫因遂感氣疾知命  
非久欲與故人相別而生不騎乘乃令弟子  
四人各執床角昇至本寺精爽不雜召諸知  
友執手訣云實以虛薄妄廁僧儔一期既至  
知復何述但恨此身虛死未曾爲法以爲慨

然近夢阿私陀仙見及云常得出家想非徒  
說少時卒於大揔持寺春秋三十有八即貞觀  
十二年正月也實自生能不入市廛不執錢  
寶不求利涉三衣瓶鉢常不離身雖常日往  
還而始無輒離志行嚴肅殊有軌度攝誘多  
方故四遠道俗而放之僧多依附之親侍沙  
門七人皆供奉有叙通共嘉焉揔持故塔修  
奉者希實每香燈供養以為己業病轉就篤滴  
水不通已經旬日侍人非時進漿實曰大聖  
垂誠其可欺乎吾見臨終犯戒者多矣豈使  
累劫之誠而陷於一咽者哉遂閉氣而止又  
問以終事答云譬如彎弓放矢隨處即落觀

于山水未有親踈之心。任時量處。省事爲要。乃葬南郊僧墓中。斯亦達性之一方矣。終後三原信士方三十餘里。皆爲立靈廟。夜別四五百人聚臨。如喪厥親。迄千百日。衆方分散。初揔持寺有僧普應者。亦烈亮之士也。通涅槃攝論。有涯略之致。以傳弈上事。群僧蒙然無敢譏者。應乃入祕書太史局。公集郎監命。輒對論。無言酬賞。但云秃丁妖語。不勞叙接。應曰。妖孽之作。有國同誅。如何賢聖俱崇。卿獨侮慢。弈不答應。退造破邪論兩卷。背負籒籒勁詣朝堂。以陳所述。時執事者以聖上用治。通諫。芻蕘雖納。奕表未指。理當不爲程達。

于山水未有親踈之心。任時量處。省事爲要。乃葬南郊僧墓中。斯亦達性之一方矣。終後三原信士方三十餘里。皆爲立靈廟。夜別四五百人聚臨。如喪厥親。迄千百日。衆方分散。初揔持寺有僧普應者。亦烈亮之士也。通涅槃攝論。有涯略之致。以傳弈上事。群僧蒙然。

無敢諫者。應乃入祕書太史局。公集郎監命。對論無言酬賞。但云秃丁妖語。不勞叙接。應曰。妖孽之作。有國同誅。如何賢聖俱崇。卿獨侮慢。亦不答應。退造破邪論兩卷。背負籒籀勁詣朝堂。以陳所述。時執事者以聖上開治。通諫。藹蕘雖納。奕表未指。理當不爲程達。

應乃多寫論本。日往朝省。卿相即署鼓言。奕  
表牽挽。弄手與談。正理非素本。淺學假詞於  
人。杜口不對。斯亦彭博強得。僧傑不可抑也。  
應之所師。法行者亦貞素之僧也。俱任揔持  
衆。省之最立操孤。拔與物不群。每日六時常  
立參。像自問自答。入進殿中。乃至勞遺。應聲  
如在精懃。特立衆難加焉。故又目之為高行  
也。行見塔廟。必加治護。飾以朱粉。搖動物敬  
京寺諸殿。有未畫者。皆圖續之。銘其相。氏即  
勝光。褒義等寺是也。武德之始。猶未有年。諸  
寺飢餒。烟火不續。揔斷持名。勝普應為先。結  
會僧倫。誓開糧路。人料一勺。主客咸然。時來

投者日恒僅百夙少欣欣曾不告倦而行微  
念起厭怠懷昂悔告人大用鬼業如何自累惜他  
食乎每旦出門延頓客旅歡笑先言顧問將  
接多辦鉢履安處布置乃達時豐初不休舍  
後往楚國講遺教論以畢終矣

釋弘智姓萬氏始平槐里鄉人隋大業十一

年德盛鄉間權為道士因入終南山絕粒服  
氣期神羽化形骸枯悴心用飛動乃入京至靜  
法寺遇惠法師問以喻道之方惠曰有生之  
本以食為命假糧粒以資形託津通以適道  
所以古有繫風捕影之論仙虛藥誤之談語  
事信然幸無惑也乃示以安心之要遣累之

投者日恒僅百夙少欣欣曾不告倦而行微  
念起厭怠懷昂悔告人大用鬼業如何自累惜他  
食手每旦出門延頓客旅歡笑先言顧問將  
接多辦鉢履安處布置乃達時豐初不休舍  
後往楚國講遺教論以畢終矣

釋弘智姓萬氏始平槐里鄉人隋大業十一

年德盛鄉間權為道士因入終南山絕粒服  
氣期神羽化形骸枯悴心用飛動乃入京至靜  
法寺遇惠法師問以喻道之方惠曰有生之  
本以食為命假粮粒以資形託津通以適道  
所以古有繫風捕影之論仙虛藥誤之談語  
事信然幸無惑也乃示以安心之要遣累之

方義寧元年委擲黃冠入山修業武德之始  
天下大同佛道二門峙然雙列智乃詣省申  
訴請隸釋門并陳理例朝宰咸穆遂得貫入  
緇伍隨情任寺而性樂幽栖乃於南山至相  
寺而居焉周歷講會亟經炎燠神用通簡莫  
不精詣然而性立虛融慈矜在務陶甄士俗  
延納山賓巖隱匱乏之流飛走飢虛之類咸  
贍資喉粒錫以貝泉雖公格嚴斷寺制深約  
而能攜引房宇同之窟穴泰斯亦叔代匡護之  
開士也滅後遂絕此蹤惜哉故其所獲法利積  
散不窮弘誘博愛爲而不恃加之以忍邦行  
事音聲厥初開務通識非斯莫曉故凡有福

會必以簫鼓爲先致令其從如雲真俗不爽  
於緣悟矣講華嚴攝論等以永徽六年五月  
九日終於山寺春秋六十有一露骸林下收  
骨焚散遵餘令也門人散住諸寺者咸謹卓  
正行不墜遺風重誨誘之劬勞顧復之永沒  
乃共寫八部般若用崇岷岵之恩又建碑一  
區陳於至相寺山外二丈四尺寶德寺莊所  
釋法琳姓陳氏潁川人遠祖隨官寓居襄陽  
少出家遊獵儒釋博綜詞義金陵楚郢從道  
問津自文苑才林靡不尋造而意存綱梗不  
營浮綺野栖木食於青溪等山晝則承誨佛  
經夜則吟覽俗典故於內外詞旨經緯遺文

精會所歸咸肆其抱而風韻閑雅韜德潛形  
氣揚彩飛方陳神略隋季承亂入關觀化流  
離八水顧步三秦每以槐里仙宗乎陳名實  
昔在荆楚梗槩其文而秘法竒章猶未採括  
自非同其形服塵其本情方可體彼宗師靜  
茲紛結乃權捨法服長髮多年外統儒門內  
希聃術遂以義寧初歲假被巾褐從其居館  
琳素通莊老談吐清竒道俗服其精華曠拜  
而從遊劇情契莫二共叙金蘭故彼所禁文  
詞並用諮琳取定致令李宗奉釋之典包舉  
具舒張僞葛妄之言銓題品錄武德初運還  
莅釋宗擁帙延光栖惶問道以帝壤同歸名

教是則鼓言鄭衛易可箴規乃任京師濟法  
寺至武德四年有太史令傅奕先是黃巾深  
忌佛法上廢佛法事者十有一條云釋經誕  
妄言妖事隱損國破家未聞益世請胡佛邪  
教退還天竺凡是沙門放歸桑梓則家國昌  
大李扎之教行焉武皇容其小辯朝輔未能  
抗也時謂遵其邪徑通廢宏衢莫不懼焉乃  
下詔問曰棄父母之鬚髮去君臣之章服利  
在何間之中益在何情之外損益二宜請動  
妙釋琳憤激傳詞側聽明勅承有斯問即陳  
對曰琳聞至道絕言豈九流能辯法身無像  
非十翼所銓但四趣茫茫漂淪欲海三界蠢

蠢顛墜邪山諸子迷以自焚凡夫溺而不出  
大聖爲之興世至人所以降靈遂開解脫之  
門示以安隱之路於是中天王種辭恩愛而  
出家東夏貴遊厭榮華而入道誓出二種生  
死志求一妙涅槃弘善以報四恩立德以資  
三有此其利益也毀形以成其志故棄鬚髮  
美容變俗以會其道故去君臣華服雖形闕  
奉親而內懷其孝禮乖事主而心戢其恩澤  
被怨親以成大順祐沾幽顯豈拘小違上智  
之人依佛語故爲益下凡之類虧聖教故爲  
損懲惡則濫者自新進善則通人感化此其  
大略也而傳氏所奏在司猶未施行弈乃多

寫表狀遠近公然流布京室閭里咸傳禿丁  
之誚劇談酒席昌言胡鬼之謠佛曰翳而不  
明僧威阻而無勢于時達量道俗動毫成論  
者非一各陳佛理具引梵文委示業緣曲垂  
邪正但並是弁之所廢豈有引廢證成雖曰破  
邪終歸邪破琳情主玄機獨覺千載器局天  
授博悟生知睹作者之無功信乘權之有據  
乃著破邪論其詞曰莊周云六合之內聖人  
論而不議六合之外聖人存而不論老子云  
域中有四大而道居其一考詩書禮樂之致  
忠烈孝慈之先但欲攸序彝倫意存敬事君  
父至德唯是安上治民要道不出移風易俗

自衛返魯詎述解脫之言六府九疇未宣究  
竟之旨案前漢藝文志所紀衆書一萬三千  
二百六十九卷莫不功在近益俱未暢遠途誠  
自局於一生之內非迴拔於三世之表者矣  
遂使當見因果理涉且而猶昏業報吉凶義  
經在而未曉斯並六合之寰塊五常之俗謨  
詎免四流激汗為煩惱之場六趣誼譁造塵  
勞之業者也原夫實相杳冥逾要道之道法  
身凝寂出玄之又玄唯我大師體斯妙覺二  
邊頓遣萬德斯融不可以境智求不可以形  
名取故能量量法界而興悲揆虛空而立誓所  
以現生穢土誕聖王宮示金色之身吐玉毫

之相布慈雲於鷲嶺則火宅燄銷扇慧風於  
雞峯則幽途霧卷行則金蓮捧足坐則寶座  
承軀出則天主導前入則梵王從後聲聞菩  
薩儼若朝儀八部万神森然翊衛宣涅槃則  
地現六動說般若則天雨四花百福莊嚴狀  
滿月之臨滄海千光照曜如聚日之映寶山

師子一吼則外道摧鋒法鼓暫鳴則天魔稽  
首是故号佛為法王也豈與襄周李耳比德  
爭衡末世孔丘輒相聯類者矣是以天上天  
下獨稱調御之尊三千大千咸仰慈悲之澤  
然而理深趣遠假筌蹄而後悟教門善巧憑  
師友而方通統其教也則八万四千之藏二

諦十地之文海殿龍宮之旨古謀今書之量  
莫不派甘露於万葉垂至道於百王近則安  
國利民遠則超凡證聖但以時運未融致令  
漢梵殊感故西方先音形之奉東國後見聞  
之益及慈雲卷潤慧日收光迺夢金人於永  
平之年觀靈骨於赤烏之歲於是漢魏齊梁  
之政像教勃興燕秦晉宋已來名僧間出或  
神力救世或異迹發人或慧解開神或通感  
適化及白足臨刃不傷遺法爲之更始志上  
分身負戶帝王以之加信具諸史籍其可詳  
乎並使功被將來傳燈永劫議者僉曰僧唯  
紹隆佛種佛則冥衛國家福隆皇基必無廢

退之理我

大唐之有天下也應四七之辰安九五之位  
方欲興上皇之風開正覺之道治致太平永  
隆淳化但傅氏所述酷毒穢詞並天地之所  
不容人倫之所同棄恐塵黷聖覽不可具觀  
伏惟 陛下布含弘之恩垂鞠育之德審  
其逆順議以真虛佛以正法遠委國王

陛下君臨斯當付囑謹上破邪論一卷用擬  
傅詞文有三十餘紙自琳之綴彩貫絕群篇  
野無遁賢朝無遺士家藏一本咸誦在心並  
流略之菁華文章之冠冕茂譽於是乎騰廣  
昏情由之而開尚矣琳又以論卷初出意在

弘通自非廣露其情則皂隸不塵其道乃上  
啓儲后諸王及公卿侯伯等並文理弘被庶  
績咸熙其博詣焉故弈奏狀因之致寢遂得  
釋門重敞琳實其功東宮庶子虞世南詳琳  
著論乃爲之序胤而傅氏不愜其情重施密  
譖搆扇黃巾用爲黨類各造邪論貶量佛聖  
昏冒生靈銜曜朝野薰蕕旣雜時所疑焉武  
德元年春下詔京置三寺唯立千僧餘寺給  
賜王公僧等並放還桑梓嚴勅旣下莫敢致  
詞五衆哀號於橐街四民顧歎於城市于時  
道俗蒙然投骸無措賴由震方出帝氛禳廓  
清素襲啓聞薄究宗領登即大赦還返神居

故佛日重朗於唐世又由琳矣琳頻逢黜陟  
誓結維持道挫世情良資寡學乃探索典籍  
隱括玄奧撰辨正論一部八卷穎川陳子良  
注之并製序曰昔宣尼入夢十翼之理克彰  
伯陽出關二篇之義爰著或鈎深系像或探  
蹟希夷名言之所不宣陰陽之所不測猶能  
彌綸天地包括鬼神道無洽於大千言未超  
於域內況乎法身圓寂妙出有無至理凝玄  
迹泯真俗體絕三相累盡七生無心即心非  
色爲色筌蹄之外豈可言乎若夫西伯拘羗  
遂顯精微子長蠶室卒成先志故易曰古之  
作易者其有憂乎論之興焉良有以矣有道士

李仲卿劉進喜等並作庸文謗毀正法在俗  
人士或生邪信法師愍其盲瞽遂著斯論可  
謂鼓茲法海振彼詞鋒碧雞之銳競馳黃馬  
之峻爭驚莫不葉墮柯摧雲銷霧卷但此論  
窮釋老之教源極品藻之名理恐好事後生  
意有未喻弟子近伸頂禮從而問津爛然溢  
目若日月之入懷寂乎應機譬寶珠之燭物  
既悟四衢之幻便息百城之遊於是啓所未  
聞爲之注解良文學雄伯羣儒奉戴誘勸成  
則其從如雲貞觀初年帝於南山大和宮舊  
宅置龍田寺琳性欣幽靜就而住之衆所推  
美舉知寺任從容山服詠歌林野至十三年

冬有黃巾秦世英者挾方術以邀榮遂程器  
於儲貳素嫉釋種陰陳琳論謗訕皇宗罪當  
罔上帝勃然下勅沙汰僧尼見有衆侶宜依  
遺教仍訪琳身據法推勘琳扼腕奮發不待  
追徵獨詣公庭輕生徇理乃繫以縲紲下詔  
問曰周之宗盟異姓爲後尊祖重親實由先  
古何爲追逐逐其短首鼠兩端廣引形似之言  
備陳不遜之喻犯毀我祖祢謗黷我先人如  
此要君罪有不恕琳荅曰文王大聖周公大  
賢追遠慎終昊天靡咎孝悌之至通於神明  
雖有宗周義不爭長何者皇天無親竟由輔  
德古人黨理而不黨親不自我先不自我後

雖親有罪必罰雖怨有功必賞賞罰理當故  
天下和平老子習訓道宗德教加於百姓怨  
已謙光仁風形于四海又云吾師名佛佛者  
覺一切人也軋竺古皇西昇逝矣討尋老教  
始末可追日授中經示誨子弟言吾師者善  
入泥洹綿綿常存吾今逝矣今劉李所述謗  
滅老氏之師世莫能知著茲辯正論有八卷  
略對道士六十餘條並陳史籍前言實非謗  
毀家國自後辨對二十餘例並據琳詞具狀  
聞奏勅云所著辨正論信毀交報篇曰有念  
觀音者臨刃不傷且赦七日令尔自念試及  
刑使能無傷不琳外纏桎梏內迫刑期水火

交懷許仰無路乃緣生來所聞經教及三聖  
尊名銘誦心府擬為顯應至于限滿忽神思  
飄勇橫逸宵懷歡慶相尋頓忘死畏立待對  
問須臾勅至云今赦期已滿當至臨刑有何  
所念念有靈不琳援筆荅曰自隋季擾攘四  
海沸騰役毒流行干戈競起興師相伐各擅  
兵威臣佞君荒不為正治遏絕王路固執一  
隅自皇王弓伐載清陸海斯實觀音之力咸  
資勢至之因比德連蹤道齊上聖救橫死於  
帝庭免淫刑於都市琳於七日已來不念觀  
音唯念陛下勅治書侍御史聿棕問琳有詔令  
念觀音何因不念乃云唯念陛下琳荅伏承

觀音聖鑒塵形六道上天下地皆爲師範然  
大唐光宅四海九夷奉職八表刑清君聖臣  
賢不爲枉濫今陛下子育恒品如經即是觀  
音旣其靈鑒相符所以唯念陛下且琳所著  
正論爰與書史倫同一句叅差任從斧鉞  
陛下若順忠順正琳則不損一毛陛下若刑  
濫無辜琳則有伏屍之痛具以事聞遂不加  
罪有下勅徙于益部僧寺行至百牢關菩提寺  
因疾而卒時年六十九沙門慧序經理所苦  
情結斷金曉夕同衾慰撫承接及命將盡在  
序膝上序慟哭崩摧淚如駛雨乃召諸關傍  
道俗葬於東山之頂高樹白塔勒銘誌之行

路望者知便下淚序本雍州武功人善經籍  
通佛理明攝論以爲敷化之訓體道開俗言  
無品藻將護遊僧用爲家操本任京輦後移  
梁益以百牢衝會四方所歸道俗栖投往還  
莫寄序乃宅寺關口用接遠賓故行侶賴之  
詠歌盈耳于時治書待御史韋棕審英飾詐

乃奏彈曰竊以大道鬱興沖虛之迹斯闡玄  
風旣播無爲之教實隆未有身預黃冠志同  
凡素者也道士秦英頗學醫方薄閑呪禁親  
戚寄命羸疾投身姦姪其妻禽獸不若情違  
正教心類豺狼逞貪競之懷恣邪穢之行家  
藏妻子門有姬童乘肥衣輕出入衢路揚眉

奮袂無憚憲綱健羨未忘觀繳在慮斯原不  
殍至教式虧請寘嚴科以懲姪侈乃入大理  
竟以狂狷被誅公私恠其死晚琳所著詩賦  
啓頌碑表章議大乘教法并諸論記傳合三  
十餘卷並金石擊其風韻縟錦績其文思流  
靡雅便騰焰弥穆又善應機說導即事騁詞  
言會宮商義符玄籍斯亦希世罕嗣矣  
釋道會姓史犍爲武陽人初出家住益州嚴  
遠寺器宇高簡雅調逸羣四方道俗旦夕叅  
候猶以蜀門小陬聞見非廣乃入京詢訪經  
卜餘年經論史籍博究宗領還蜀欲大開釋  
教導引後銳時屬亂離不果心術會皇運初

興率先招撫詹俊李袞首途巴蜀會上疏  
會弟性不肖家風次墜封爵雖除詔勅猶在  
門生故吏子孫成列並奮臂切齒思効力用  
即日劔門雖啓巫峽負固會請躬率徒隸振  
錫啓途折簡宣威開懷納款軍無矢石之勞  
主有待成之逸此亦一時之利也惟公圖之  
爲使淹留遂不行于時國初僧尼道士所在  
多度有道士宋冀是彼梁棟於隆山縣下新  
立道觀屋宇成就置三十人會經搃管段倫  
陳牒改觀爲寺其郭內住者並是道宗不伏  
移改囑安撫大使李襲譽巡察州縣會以事  
達乃引兵過城四面鳴鼓一時驅出舉宗怨

訐噂嗜街衢會曰未能今天下改觀爲寺此  
之一所終不可奪遂依立寺至今不毀武皇  
登遐入京朝覲因與琳師同修辨正有安州  
曷師在蜀弘講人有嫉者表奏云反又述法  
會覘候消息遂被拘執身雖在獄言笑如常  
爲諸在獄講釋經論經春至冬諸僧十數衣  
服縑縷不勝寒酷京師有無盡藏恒施爲事  
會致書曰自如來潛影西國千有餘年正法  
東流五百許載雖復赤髭青眼大開方便之  
門白脚漆身廣示歸依之路猶未出於苦海  
尚陸沉於險道況五衆名僧四禪教首頭陀  
聚落唯事一餐宴坐林中但披三納加以無

緣之慈想升錘以代鴿履不輕之行思振錫  
以避虫今有精勤法子清淨沙門橫被囚拘  
實非其罪遂使重關早落覩獄吏而魂飛清  
室晚開見刑官而思盡嚴風旦灑穿襟與中  
露俱飄繁霜夜零寒心與死灰同殮若竟不  
免溝壑抑亦仁者所恥書達即送裘鞋給之  
及事釋還鄉三輔名僧送出郭門會與諸遠  
僧別詩曰去住俱爲客分悲損性情共作無  
期別時能訪死生道俗聞者皆墮淚時益州  
法曹裴希仁自矜門學會與相見輕有譏誚  
會曰蜀川雖小賢德如林漢朝八俊同出唯  
張綱埋輪東雒難曰豺狼當路安問狐狸奏

誅梁冀威攝四海者捷爲武陽人也漢時有  
問楊子雲曰李仲堪何如人荅曰隱不違親  
貞不絕俗天子不臣諸侯不友者資中人也  
巴西閬中百王之仰戢益州郫縣名振於華  
夷明公庶可虛心待國士豈得以土地拘於  
人哉言訖而出希仁媿謝旣返謂人曰江漢多靈

其斯人也以貞觀末卒年七十矣

釋智勤俗姓朱隋仁壽因舍利州別置大興  
國寺度少小以匡護爲心每處衆發言無不  
允睦精誠勇猛事皆冥祐初母患委頓爲念  
觀音宅中樹葉之上皆現化佛合家並見母  
疾遂除又屬隋末荒亂諸賊競起勤獨守此

寺賊不敢凌故得寺宇經像一無所損諸寺  
湮滅不可目見又一時權著俗衣以避兵刃  
被賊圍遶而欲殺之忽聞空中聲告師可去  
俗衣遂除外服賊見頂禮請將供養經於數  
月後投於蜀聽曷法師講衆至三千法師皆  
委令檢校遂得安恬內外無事一人力也又  
至唐初還歸鄧州講維摩三論十餘遍後隱  
於北山倚立十餘年所居三所即今見存恒  
聞谷中鍾聲後尋巖嶺忽見一寺宛麗竒常  
入中禮拜似有人住如是數度後更尋覓莫  
知所在又居山內糧食將盡其行道之處土  
自發起遂除棄之明日復尔如是再三遂有

穀現因即深掘得粟二十餘碩其粟粒大色  
赤稍異凡穀時鄧州佛法陵遲合州道俗就  
山禮請願出任持遂感夢而出其夢不詳子  
細後時負像出山中途忽闇莫知其路不得  
前進俄有異火兩炬照路極明因得見道送  
至村中火方迴滅村人並見無不驚異因出  
任大興國前後諸王刺史並就寺頂禮請受  
歸戒恒以僧尼之事委令檢校佛法光顯吳  
蜀遠聞又至永徽年初以見時事繁雜守房  
不出向淹三載讀一切經兩遍每讀經時恒  
見有神來聽初中後夜常聞彈指磬咳之聲  
至顯慶四年省符召入慈恩不就至其年五

月欲終之前所有功德不周之處。曉夜經構使畢。人問何故如此。忽速荅曰。無常之法。何可保耶。至十五日。寺中樹木枝葉萎枯。自然分折。禽鳥悲鳴。遍於寺內。僧各驚問。莫知所由。至十六日。旦忽見昔聽經神來禮拜。而語云。莫禮傍人。無有見者。於是剃髮披衣。在繩牀內。手執香鑪。跏趺而坐。告諸弟子。汝可取大品經。讀誦至往生品訖。遂合掌坐而卒。停經數日。顏色如舊。恒有異香聞於寺內。合州道俗悲慟。難勝。州縣官人並送。至野。春秋七十四矣。

釋慈藏。姓金氏。新羅國人。其先三韓之後也。

中古之時辰韓馬韓秦韓率其部屬各有魁

長案梁貢職圖其新羅國魏曰斯盧宋曰新

羅本東夷辰韓之國矣葢父名武林官至蘇

判異以本王族既享高位籌議攸歸而絕無

後嗣幽憂每積素仰佛理乃求加護廣請大

捨祈心佛法并造千部觀音希生一息後若

成長願發道心度諸生類冥祥顯應夢星墜

入懷因即有娠以四月八日誕載良晨道俗

銜慶希有瑞也年過小學神睿澄簡獨拔恒

心而於世數史籍略皆周覽情意漠漠無心

深趣會二親俱喪轉厭世華深體無常終歸

空寂乃捐捨妻子第宅田園隨須便給行悲

敬業子介隻身投於林壑。鹿服草屨。用卒餘報。遂登峭隙。獨靜行禪。不避虎兇。常思難施時。或弊睡心。行將微。遂居小室。周障棘刺。露身直坐。動便刺肉。懸髮在梁。用祛昏漠。修白骨觀。轉向明利。而冥行顯。被物望所歸。位當宰相。頻徵不就。王大怒。勅往山所。將加手刃。藏曰。吾寧持戒一日而死。不願一生破戒而生。使者具之。不敢加刃。以事上聞。王愧服焉。放今出家。任修道業。即又深隱。外絕來往。糲粒固窮。以死爲命。便感異鳥。各銜諸果。就手送與。鳥於藏手。就而共食。時至必介。初無乖候。斯行感玄。徵罕有聯者。而常懷感感。慈哀。

含識作何方便令免生死遂於眠寐見二丈  
夫曰卿在幽隱欲爲何利哉曰唯爲利益衆  
生乃授哉五戒訖曰可將此五戒利益衆生  
又告哉曰吾從忉利天來故授汝戒因騰空  
滅於是出山一月之間國中士女咸受五戒  
又深惟曰生在邊壤佛法未弘自非目驗無  
由承奉乃啓本王西觀大化以貞觀十二年  
將領門人僧實等十有餘人東辭至京蒙勅  
慰撫勝光別院厚禮殊供人物繁擁財事旣  
積便來外盜賊者將取心顛自驚返來露過  
便授其戒有患生盲詣哉陳懺後還得眼由  
斯祥應從受戒者日有千計性樂栖靜啓勅

入山於終南雲際寺東懸嵒之上架室居焉  
且夕人神歸戒又集時深少疾見受戒神爲  
摩所苦尋即除愈往還三夏常在此山將事  
東蕃辭下雲際見大鬼神其衆無數帶甲持  
杖云將此金輦迎取慈藏復見大神與之共  
鬪拒不許迎藏聞臭氣塞谷蓬勃即就繩牀  
通告訣別其一弟子又被鬼打躡死乃穌藏  
即捨諸衣財行僧德施又聞香氣遍滿身心  
神語藏曰今者不死八十餘矣既而入京蒙  
勅慰問賜絹二百疋用充衣服貞觀十七年本  
國請還啓勅蒙許引藏入宮賜納一領雜綵  
五百段東宮賜二百段仍於弘福寺爲國設

大齋大德法集并度八人又勅太常九部供  
養藏以本朝經像凋落未全遂得藏經一部  
并諸妙像幡花蓋具堪爲福利者賫還本國  
旣達鄉壤傾國來迎一代佛法於斯興顯王  
以藏景仰大國弘持正教非夫綱理無以肅  
清乃勅藏爲大國統任王芬寺寺即王之所  
造又別築精院別度十人恒充給侍又請入  
宮一夏講大乘論晚又於皇龍寺講菩薩戒  
本七日七夜天降甘露雲霧霽靄覆所講堂  
四部興嗟聲望弥遠及散席日從受戒者其  
量雲從因之革厲十室而九藏屬斯嘉運勇  
銳由來所有衣資並充檀捨唯事頭陀蘭若

綜業正以青丘佛法東漸百齡至於住持修  
奉蓋闕乃與諸宰伯詳評紀正時王臣上下  
僉議攸歸一切佛法須有規猷並委僧統藏  
令僧尼五部各增舊習更置網管監察維持  
半月說戒依律懺除春冬揔試令知持犯又  
置巡使遍歷諸寺試厲說法嚴飾佛像營理  
衆業鎮以爲常據斯以言護法菩薩即斯人  
矣又別造寺塔十有餘所每一興建合國俱  
崇藏乃發願曰若所造有靈希現異相便感  
舍利在諸巾鉢大衆悲慶積施如山便爲受  
戒行善遂廣又以習俗服章中華夷有革藏惟  
歸崇正朔義豈貳心以事商量舉國咸遂通

改邊服一准唐儀所以每年朝集位在上蕃  
任官遊踐並同華夏據事以量通古難例一撰  
也今春愁將立器宇弘峻吐言成政行立懷  
撰諸經戒疏十餘卷出觀行法一卷流彼國  
有沙門圓勝者本族辰韓清慎僧也  
以貞觀初年來儀京筆編陶法肆聞持鏡  
曉志存定撰護法為心與藏齊襟秉維城壘  
及同返國大敞行途講兩律部唯其光肇自  
昔東蕃有來西學經術雖聞無行戒檢緣構  
既重今則三學備焉是知通法護法代有斯  
人中濁邊清於斯驗矣論曰觀夫至人之降  
時也或三輪御世或六通導物人依法依本

改邊服一准唐儀所以每年朝集位在上蕃  
任官遊踐並同華夏據事以量通古難例一撰  
也今春愁將立器宇弘峻吐言成政行立懷  
撰諸經戒疏十餘卷出觀行法一卷流彼國  
有沙門圓勝者本族辰韓清慎僧也  
以貞觀初年來儀京肇徧陶法肆聞持鏡  
曉志存定撰護法為心與藏齊襟秉維城壘  
及同返國大敞行途講開律部唯其光肇自  
昔東蕃有來西學經術雖聞無行戒檢緣構  
既重今則三學備焉是知通法護法代有斯  
人中濁邊清於斯驗矣論曰觀夫至人之降  
時也或三輪御世或六通導物人依法依本

法護法而陳教適權適道實兼濟而成津是  
以三藏設位拯弱喪於未然護法一科樹已  
崩之正綱然弘誘之相條緒稍多時顯知微  
乍揚神武騁奇辯於邪衆暢決豪心顯大義  
於當時昌明玄理假威權而助道有德獨擅  
其聲藉傳授而潛通編言常行其務遂有搥  
捷槌於靈岳聲告但為任持重結法於剡洲  
教旨唯尊弘理入大乘論則九億無學住法  
萬年經律所詮賓頭羅漢未取泥曰斯皆助  
揚道化通悟未聞靜倒惑於即生紹正法于  
來世故使湮殘屢染尋復還興豈唯凡謀蓋  
其力矣泥乎迦葉古者凝神鷄足之峯堅慧

菩薩端拱脩羅之窟斯並引生趣善為物持  
身致及慈氏降靈逝相弘扇或摧裂愛網或  
傾覆慢幢或通決深疑或開揚道務為業應  
接若雲雨之相投為功惟重等大地之弘博  
所以身子榮名顯法輪之大將趨多徽号標  
無相之後佛五百川學通号在持行德相高  
皆稱第一至於乘時御化通法用宗弘救濟  
極勿高身子良由闢樹園之福地蕩邪寇之  
高鋒偃目連之神力覆富那之辯慧此即護  
法之緣蓋唯斯矣自道風東扇爰始騰蘭前  
傳重於開宗故入譯經之目然則傳譯在乎  
歸信未信不可弘文護持有乎正邪邪正方南信本經陳如是豈虛也

哉道元德母信其實矣所以發蒙啓化應接  
時心重空顯其德明大衆駭其耳目致使拜  
首受道欽沐法流不虛設也費才感終於壇  
側緒信剃頂於場中顯宗悟理如歸侍中捐  
俗入道一期盛事万代舟航佛日於是流暉  
法雲由斯不絕茲德可紀茲言可詳而閩越  
隱其高例附譯稱述霧比則事業懸殊達化  
則乘摧難擬計功編次宜先譯傳稍非經務  
故後三學及姚秦迷外道融折其是非元魏  
重邪量始制其強禦前傳顯然其宗可錄施  
乎齊周兩治厥政殊風齊高獨盛釋門周武  
偏弘李衆然其邪辯逼正邪僞而正通妄作

亂真真澄而妄隱故使齊氏一統民無兩情  
釋侶闡邦寺塔充國二百万衆綱猷上統之  
言四十千寺咸列釋門之刹約指剡洲化境  
通括像正任持梯航之大未可相擬豈法之  
力唯人謂乎弘斯在人則顯公據其首也掩  
抑華飾揚耀塵埃衆皆輕而不思可謂激通  
其道及法上引衣之赴難也則醒醉相兼醒  
則領上之累詞醉則示虛於邪敵雖復金匱  
玉韜之祕術未可與言孫武吳起之竒謀曾  
何足道所以登虎之始搖動物心異衆等山  
丘鼓論同雲物致使纒撝刃辯載戢妖氛定  
方術於面前樹微言於卽世故有談仙者投

骸於臺檻宗虛者深剝於玉庭明詔遂頒國  
無兩信雖稠公標於定道賢上統於義門一  
時之慶固不同年而語矣周氏秦壤世号武  
卿豺狼之諺想不虛託懷文斯寡習勇弥隆  
酌緯候之讖詞納譎誑之佞術衛寓本我之  
胤張賓乃彼之餘異響同心霄齒相副競列

封表曲引遊言冒網帝心覆絕仁祀時未思  
其禍始也禍作萌漸百辟之所不知及望夷  
之福終也潰發滂沱天無方改前政呼嗟何  
及僧傑道安名殊衛氏風格峻逸比景弥天  
二論旣陳異見將弭而狙詐蠅巧終墜前條  
靜藹上賢當斯頽運奮發拒諫守素窮巖慨

正道之遂荒誠護法之無力也。乃解形松石  
殉命西方于時同軌遺形亦有十數。自非懷  
大濟於末俗覩法滅而增哀何能捨所重於  
幽林爲依救而終世誠可美矣誠可悲矣。詳  
觀列代數賢則紹隆之迹可見藻鏡則日月  
同仰清範則高山是欽具彰本紀其續昌矣  
有隋御寓深信釋門兼陳李館爲收恒俗二  
世績曆同政前朝悼像化之微行襲宋桓之致  
敬于時緇素相望愕然明瞻法師屈起臨對  
夙未強術衆或漏言及覲其厲色格詞抗揚  
嚴詔皆謂禍碎其身首也助慄不安其死而  
瞻逞怡顏色欣勇綽然帝後乃述釋門之有

人焉衆乃悟其脫穎也知人其難人實難知  
知其難者千載其一乎信不虛矣皇唐格運  
代有斯人普應佩席於天門慧滿載衣於朝  
伍智實剛烈詎呵於時重法琳慷慨極言於  
明詔異世同風不屑古也莫不言行同時死  
生齊日故得名流万代紹先聖之宏猷乎惟  
夫經論道業務在清心弘護法網實敦遐志  
志達則不思患辱心清則罔懼嚴誅達三相  
之若馳識九有之非宅未曾爲法徒喪餘齡  
豈唯往生乃窮來陰於是挾福智而面諸佛  
覩形骸若委遺塵騰神略而直前鼓通博之  
橫辯但今法任投鼎鑊其如歸旣屬慧明處

濁世其如夢故能不負遺寄斯傳之有蹤乎  
已矣夫誰有見斯而不兔勵志於重霄哉

續高僧傳卷第二十五 護法篇下 承

璋羽鬼琳音林操七到暇音夏綜子宋丘

墳下音焚欣狎上許朝憲下音獻峙然上直軍旅音下

品師也眾也又也朝憲法也峙然經年止不

負抗拒苦浪也戮音六陷或字憚上徒且

葉及再遺下音迴蹕下音僉

皆也也銓七全汾列上扶奴隸下零可

懸下音訣音決覲錫上初鎮及怡然

上余之縫道上房曄然上干輒瘞於例服

膺下於陵及身也探取也舍及都鄙下碑美及

矚在約天曉下音春清廁上正作圓詢息旬

駭胡買及創楚狀及肇音趙蓄丑六巢穴

上助交々鳥居既及其器及公宗代上音寢金駕上

官及天子之車也以鈴安車勃興上音強猛也

駱驛布急疾之分冷然上音張掖下音踐音

也履協洽上音太歲在末日咸夾及皇儲下音除

聃他耳及燁燁上音鬼及下干輒七籍下音

經一闌開也車胤下音論衡上去音下黃

裼下音玉璋下音舟航剛及庇必二及

卹思律及墻仞下音尺一妃音貴

也  
誠怒下口角  
也  
謹也  
也  
頃讚梵音  
也  
買  
清轉下知  
也  
婉約

上紆阮  
童稚利下  
直  
譎詭上音  
決下過  
委  
宏遠

上惠萌  
開鑰下音  
寓內上字  
宇  
頽顛上戶  
哀  
及

朗也  
將其上音  
活  
儉狃險名  
二音  
屢力句  
及

峰燿峯貫二音  
專勝下余  
禮上音  
德溢罪也  
去  
及

也  
惘然上音  
周  
驍捍且上  
古  
竟  
及  
勇  
也  
下  
胡

也  
抗抵下音  
苦浪反  
洒甘上馬  
所  
蒟蕘下音  
昌  
朱  
反

也  
析石上音  
先擊反  
蘭艾下香  
草艾蒿草  
曠反一  
計

作翳  
科督下音  
篤  
擒撮上音  
禽下  
毆擊上音  
烏

也  
推劾下音  
胡  
璃音  
俗壤下音  
汝  
兩  
憾結上音  
胡  
暗

懷橘下音  
遺母王  
陸  
稷  
六  
歲  
懷  
褊能上音  
必  
緬  
曩

乃黨反  
愴傷楚  
狀反  
許音  
素  
受禪下音  
時  
扇  
反  
邪

倭下定反奴深濬下思閏反拯驚上蒸字涸鱗音上

鶴水窮轍車下直列反狂狷大俱拊討上居運也

垂範法下音犯貽則上余汲引上音邁往莫敗反也

反樸下音朴泊乎上其器閭里上力風靡免下

彼反流遁也下亦徒困反隱鼎祚上音頂下煙沉免

上音因本系下胡計反頌告上音班司殺下告

候反齋苗羊逝反岑助莖輦至上音余正慨然上苦

嘆也反市塵下直滌水字滴陷咸去聲于上許訖也烈亮

也放矢下反箭式旨聚臨下去聲于上許訖也烈亮

下力傳弈二付音亦肩反俱榮禿了上谷反他妖孽下魚

草木之恠恠日妖侮慢上音武下籟籟音蘆簞二

也勁居政反牽挽下音杜口反上徒戶僧傑下

才列反雄抑意力反精熇反下謹也角圖績反下玄對

裛義毛上博飢餒每下乃一勾一下音音約僅纜渠鎮反也

休舍捨下音官官音患寓居寄上音遇襄陽羊上息楚

郢反下以井綱梗加猛反作剛也下經緯謂下音韜德

睡術反藏也刀州名梗概下古愛反已探括取也土括檢也

全莅臨也利箴規反上箴規誠則也桑梓木下音子

謂故鄉邪逕正宏惠萌反戢荷也澁反懲惡

上音澄誚才笑反劇談反上奇逆謠音搖睹音

彞倫常上音夷俗暮下莫誼譁煩開也二音杏冥

上煙曉反自揆衢癸反森然上音翊衛上音

深遠之自揆衢癸反森然上音翊衛上音

筌蹄全上七反謀譯音牒傳迺廕作隆盛也正酷毒

上苦篤反塵黷下音懔音綴采上知菁華音上

毒之甚也反塵黷下音懔音綴采上知菁華音上

美顯也！冠冕免下音儲后副貳也除績反子曆敬兩昌音上

也反顯也！冠冕免下音儲后副貳也除績反子曆敬兩昌音上

去聲參字貶量反上繼也鎮不愜心下伏也反譖側候也反

侵曜二下字正作眩瞞上音藁街漢之古老反氛

力反昇挫祖卧反探蹟上坐舍反幽微也取也

像也登也胡計握也探蹟上坐舍反幽微也取也

也泯滅免忍反庸文容音盲瞽下音古雙銳歲羊戎

反也峻雖閏駑音務柯摧下音自雷歌也折也燭

物上音確曰對舅二音蹋春挾懷也反謗訕

下所間所調誣謗也沙汰下音扼腕下烏貫

反握臂也  
以徇從物曰  
以身繫  
知立反  
縲紕律

追反索也  
下獄唯以索繫之  
古之宗盟  
明音首鼠

罪者無牢  
獄唯以索繫之  
古之宗盟  
明音首鼠

申縮前脚也  
昊天道上胡  
枉桎梏反  
祖祢祖廟也  
反要君欺上音邀

也影勇反  
疾疋妙援筆  
引也音爰隋季  
帝代也季

末擾攘反  
音遶紛亂也  
干戈和反  
臣佞定反

誦遏絕上  
於葛反  
宗在宗  
斧鉞甫越  
二音無

辜下音姑  
衾丘吟被也  
駛雨音上使  
史也二斧也  
誌音志

豺狼野狗也  
逞誇也  
姬童上居  
小女也又

余之乘肥  
下房非反  
衣輕上  
去聲衣奮  
袂上方

問反拂袖之  
謂也祭反  
觀繳下音  
殄徒典  
媵侈昌

奢也反  
章誅反  
述呂水  
縻錦文彩  
自績盡也  
對反說

導上音 騁反丑 魁長 上音 苦回 反首 有娘 下音

神睿 下反 聖羊 歲也 捐捨 上音 緣子 介上 居列 反林

壑下呼 各反 草屨 下音 脚隙 上七 笑反 峻險 下

也虎 兕下 野詞 姊反 祛丘 虛反 散崿 吾各 反疥 下

病也 丑反 蹕死 上毗 益反 鄉壤 下汝 兩築 音填 上

霍藹 上一 陰反 下謂 也蓋 反綜 也宋 反規 猷上

音彌 反下 遊踐 下音 襟音 今老 城漸 下七 燄反

也肇 始也 趙論 文

擗竹 瓜反 捷槌 上直 追反 正云 捷雅 直利 剡

洲上 時深 反亦 湮殘 上音 因逝 音弟 更趨 多

上渠 關毗 益反 邪寂 下苦 費反 房末 緒反 丑呂 強

禦下 音語 闡音 掩抑 下意 塵埃 下音 匱求 位



